

საკვალიფიკაციო მოთხოვნები

პრეტენდენტმა უნდა წარმოადგინოს შემდეგი დოკუმენტები:

იურიდიულ პირთათვის და ინდ. მეწარმეებისათვის:

- ა) ამონაწერი სამეწარმეო რეესტრიდან;
- ბ) ცნობა შესაბამისი უფლებამოსილი ორგანოდან, რომ არ მიმდინარეობს გადახდისუუნარობის საქმის წარმოება;
- გ) ცნობა საგადასახადო სამსახურიდან ბიუჯეტის წინაშე დავალიანების არ არსებობის შესახებ;

ფიზიკური პირებისათვის:

- ა) პირადობის მოწმობის ასლი;
- ბ) ცნობა შესაბამისი უფლებამოსილი ორგანოდან ნასამართლობის არ ქონის შესახებ.

პრეტენდენტის შესაბამისად უფლებამოსილი პირის მიერ ხელმოწერილი სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 20 კალენდარული დღის განმავლობაში.

პრეტენდენტს არ აქვს უფლება წარმოადგინოს ალტერნატიული წინადადება.

შესასრულებელი სამუშაო: *დ. ადიგენში მდებარე სასაფლაოს შემოღობვა.*

სამუშაოს შესრულების ვადა: *2010 წლის 28 დეკემბერი.*

სამუშაოს შესრულების ადგილი: *დ. ადიგენი.*

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს საბანკო გარანტია სახელშეკრულებო ღირებულების 5%-ის ოდენობით. გარანტიის მოქმედების ვადა 30 დღით უნდა აღემატებოდეს სამუშაოს ჩატარების ვადას.

შემსრულებელი ვალდებულია სატენდერო წინადადების წარდგენამდე გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში.

დამატებითი ინფორმაციისათვის მიმართეთ: ტელ: 891 64 82 25, სატენდერო კომისიის აპარატის წევრი სპარტაკ მაჭარაშვილი.

ტექნიკური დავალება

დ. ადიგენში სასაფლაო მდებარეობს დაბის სამხრეთით ადიგენი-ზანავის გზის ორივე მხარეს. შემოსაღობია გზის მარჯვენა მხარის ნაწილი პერიმეტრით 258 გრძივი მეტრი. ბოძები მოსაწყობია ყოველ 2,5 მეტრში დ-40 მმ-იანი ლითონის მილებით სიგრძით 2 მეტრი, საერთო რაოდენობით 101 ცალი და დ-100 მმ-იანი ლითონის ბოძები ჭიშკარისათვის სიგრძით 7,5 გრძივი მეტრი. ლითონის მავთულბადე უნდა იყოს უჟანგავი მავთულის ბადის ზომით 4X4 სმ. მავთულბადეს თავზე უნდა გაუკეთდეს 4 მმ დიამეტრის მავთული მთელ პერიმეტრზე. ლითონის ბოძები უნდა დაბეჭდონდეს. უნდა მოეწყოს 2 შესასვლელი ჭიშკარი ზომით 1,5 X 3 და 1,5 X 1 დ-40 მმ-იანი ლითონის მილებით, რომელზეც გაეკვრება მავთულბადე. ლითონის ბოძები უნდა შეიღებოს.

სახელმწიფო შესყიდვების შესახებ ხელშეკრულების პროექტი

ხელშეკრულება №

დ. ადიგენი

----- 2010 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც იმავდროულად თანადართული ექნება ხელშეკრულება, როგორც მისი განუყოფელი ნაწილი.

ერთის მხრივ ადიგენის მუნიციპალიტეტი (შემდგომში „შემსყიდველი“) წარმოდგენილი საკლრებულოს თავმჯდომარის გივი ენდელაძის სახით და მეორეს მხრივ ----- (შემდგომში „მიმწოდებელი“), წარმოდგენილი ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე ელექტრონული ტენდერის ჩატარების შედეგად დებენ წინამდებარე ხელშეკრულებას შემდეგზე.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) „სახელმწიფო შესყიდვის შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული შეთანხმება, რომელიც ხელმოწერილია მხარეების მიერ მასზე თანდართული ყველა დოკუმენტით, რომელზეც ხელშეკრულებაში არის მითითებული;
- 1.2. „შემსყიდველი“ ნიშნავს ორგანიზაციას, რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც „შემსყიდველთან“ გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

- 1.5. დღე, კვირა, თვე ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული;
- 1.6. „ტექნიკური დავალება“ სატენდერო დოკუმენტაციის ტექნიკური დავალება, დაერთვება ხელშეკრულებას როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს დაბა ადიგენში სასაფალოს შემოღობვის სამუშაოები;
- 2.2. ხელშეკრულებით გათვალისწინებული სამუშაოების აღწერა მოცემულია ტექნიკურ დავალებაში.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- ლარს;
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, „მიმწოდებლის“ მიერ წარმოდგენილი დოკუმენტაციის საფუძველზე;
- 4.2. საბოლოო ანგარიშსწორება მოხდება მიღება-ჩაბარების აქტის გაფორმებიდან 3 კალენდარული დღის განმავლობაში .

5. მიღება-ჩაბარების წესი

- 5.1. სამუშაოს შერულების შემდეგ „მიმწოდებელი“ „შემსყიდველს“ წარუდგენს შესრულებული სამუშაოს აქტს (ფორმა №2);
- 5.2. სამუშაოს შესრულება დასრულებულად ჩაითვლება მიღება-ჩაბარების აქტის ხელმოწერის დღიდან.

6. სამუშაოს შესრულების ადგილი და ვადა

- 6.1. სამუშაოს შესრულების ადგილად განისაზღვრება დ. ადიგენი;
- 6.2. სამუშაოს შესრულების ვადაა 2010 წლის 28 დეკემბრის ჩათვლით.

7. მხარეთა უფლება-მოვალეობანი

- 7.1. „შემსყიდველი“ უფლებამოსილია:
 - ა) სამუშაოს შესრულების დასრულებამდე ნებისმიერ დროს მოითხოვოს „მიმწოდებლისაგან“ მისთვის საჭირო ინფორმაცია;
- 7.2. „შემსყიდველი“ ვალდებულია უზრუნველყოს შესრულებული სამუშაოს ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3. „მიმწოდებელი“ უფლებამოსილია მოთხოვოს „შემსყიდველს“ შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.4. „მიმწოდებელი“ ვალდებულია შესრულებული სამუშაო ჩააბაროს 2010 წლის 30 დეკემბერს.

8. ხელშეკრულების შესრულების უზრუნველყოფის გარანტია

- 8.1. ხელშეკრულების შესრულების უზრუნველყოფის გარანტიის მოქმედების ვადა 30 დღით უნდა აღმატებოდეს ხელშეკრულების 6.2 პუნქტით განსაზღვრულ ვადას;
- 8.2. ხელშეკრულების შესრულების უზრუნველყოფის მიზნით „მიმწოდებლის“ მიერ წარმოდგენილი ხელშეკრულების ღირებულების 5%-ის ოდენობის საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება „შემსყიდველს“ „მიმწოდებლის“ მიერ ხელშეკრულების პირობების შეუსრულებლობის გამო;
- 8.3. იმ შემთხვევაში, თუ „მიმწოდებელი“ უზრუნველყოფს ხელშეკრულებით ნაკისრი ვალდებულებების სრულიად და ჯეროვნად შესრულებას შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

9. ხელშეკრულებით ნაკისრი ვალდებულებების ინსპექტირება

- 9.1. ხელშეკრულებით ნაკისრი ვალდებულებების ინსპექტირებას განახორციელებს „შემსყიდველის“ მიერ შექმნილი ინსპექტირების ჯგუფი;
- 9.2. ინსპექტირება გულისხმობს „მიმწოდებლის“ მიერ ხელშეკრულების პირობების შესრულების, აგრეთვე შესრულებული სამუშაოს ხარისხის კონტროლს;
- 9.3. გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

10. გარანტია

- 10.1. შესრულებული სამუშაოს საგარანტიო ვადა შეადგენს ერთ წელს.

11. პირგასამტეხლო ხელშეკრულების პირობების შეუსრულებლობისათვის

- 11.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში მხარეებს დაეკისრებათ პირგასამტეხლო ყოველ ვადა გადაცილებულ დღეზე ხელშეკრულების ღირებულების 0,05%-ის ოდენობით;
- 11.2 იმ შემთხვევაში თუ დაკისრებულ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ გადასახდელი პირგასამტეხლოს ანაზღაურება;
- 11.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულებაში ცვლილების შეტანა და ხელშეკრულების შეწყვეტა

- 12.1. ხელშეკრულებაში ნებისმიერი ცვლილები, დამატების შეტანა შესაძლებელი მხოლოდ წერილობითი ფორმით მხარეთა შეთანხმების საფუძველზე;
- 12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

- 12.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 12.5. მხარე ვალდებულია 12.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს;
- 12.6. ხელშეკრულება ასევე შეიძლება შეწყდეს მხარეთა ინიციატივით ურთიერთშეთანხმების საფუძველზე.

13. ფორს - მაჟორი

- 13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მის პასუხისმგებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 13.2. ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, კარანტინით, საბიუჯეტო ასიგნებების მკვეთრი შემცირებით და სხვა;
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს შესრულების ისეთი ალტერნატიული ხერხები, რომლებიც დამოკიდებული იქნებიან ფორს-მაჟორული გარემოებების ზეგავლენისაგან.

14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის მოლაპარაკების საფუძველზე;
- 14.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების მოქმედების ვადა

- 15.1. ხელშეკრულება ძალაშია მხარეთა მიერ ხელის მოწერის დღიდან 2010 წლის 31 დეკემბრამდე.